

Ko te tātou hihitemi tau te ola mālōlō

Nā komiuniti Pahefika

Ko nā komiuniti Pahefika e kitea ai te maualalo o nā tauhaga kae feoti fakatuha ki te tokalahiga o nā tino o nā tahi atunuku, e maualuga foki te aofaki o nā tino e feoti i ni tūlaga e mafai ke puipuigia. E heki lava te tautūaga a te tātou hihitemi tau te ola mālōlō ke fakamautinoa ai ko tagata Pahefika e holotutuha te lātou ola mālōlō fakatuhatuha ki iētahi tino Niu Hila.

Ko ni ā nā hūiga? Aiheā?

Ko te lahiga o nā hūiga ki te hihitemi ola mālōlō ka lahi lele te aogā ma te tāua mō tagata Pahefika, e kui:

- i te fakatupega o he mataeke fakapitoa e fakakautū ki te fakatinoga o nā tautūaga, ka fakamoemoegia i loto o te Matāeke tau te Ola Mālōlō, ke fakafoea he peleni fōu mō te ola mālōlō o tagata Pahefika, ma fakamautinoa ai ko te matāeke tēnei Health New Zealand e i ei ni ā lātou mātauga fakapitoa ki te olā mālōlō o tagata Pahefika.
- fakamākeke te leo o nā komiuniti a Pahefika, ma fakamautinoa ko na manakoga ma nā vāega e tāua ki nā komiuniti a Pahefika e atafia i loto i nā fakatūlagaga a te atunuku.
- ke lahi ma kehekehe ni kaukaunaga e fakatino e fakaaogā ma amanakia ai nā talitonuga ma nā faifaiga a Pahefika.

E vāhea tona ata i te lumanaki?

Ko nā komiuniti Pahefika ka mafai ke fau ni auala ke fakatino ai nā tautūaga i te komiuniti ke tafapili ki te mea e nonofo ai, ke fakamautinoa ai e i ei ni kaukaunaga kehekehe e āvanoa ke fakamaliegia ō lātou manakoga, e aofia ai te lahiga o nā kaukaunaga na faufau fakapitoa e nā komiuniti a Pahefika mō ki lātou.

Ko te Matāeke tau te Ola Mālōlō ma te Health NZ, ka gālulue ma nā takitaki i loto i nā tautūaga a Pahefika, fakatahi ma te fehoahoani mai a nā takitaki Pahefika ma nā tino Pahefika kua i ei te tomaki fakapitoa, ke kikila ki nā fakatinoga e hili te lelei ma fakamautinoa e fakatino foki i nā tahi kogāfenua ma nā tahi kaukaunaga. Kāfai e fakapitoa nā tautūaga ke fakalelei nā te tūlaga tau te ola mālōlō o nā tino Pahefika, e vave ai lele te lelei o te fakatinoga o nā tautūaga ma manuia ai te tūlaga o te ola mālōlō.

Ko hē ā lā te kā hohoko?

Fakatalatalanoaga ma nā komiuniti a Pahefika ko hē vāega tenā o nā gālua māeaea ke fatu ai te hihitemi fōu a te ola mālōlō, e i loto ai nā vāega ke talanoa ki ei vēia, pe fakafuaefa vēhea te leo o nā komiuniti Pahefika i te fakatinoga o te Health NZ ma te Matāeke tau te Ola Mālōlō.

E fia ke iloa ni iētahi fakamatalaga?

Mō iētahi fakamatalaga āgai ki te fakagāioioiga ma te fakaholohologa o nā hūiga ki te hihitemi tau te ola mālōlō, e maua i luga o te kupega a te mālō DPMC, i lalo o nā gālua a te Transition Unit (te ofiha e faia nā hūiga iēnei):

www.dPMC.govt.nz/our-business-units/transition-unit.